

福惠全書

四

ワ 4  
6473  
4





門 74  
號 6473  
卷 4

福惠全書卷之六



錢穀部  
總論

夫有司之職大要錢穀為重而錢穀之重祇在催徵比較  
拆貯解給與漕項收兌數者而已催徵有法而百姓不得  
受其累比較有法而胥里不得播其奸拆貯有法而侵蝕  
之弊可免解給有法而款項之數可清求其欺官侮典盜  
餉逋糧得乎至于漕項惟收之便民而塞倉中之漏厄兌  
之便丁而杜幫中之措柄則錢穀之司庶無餘事矣今僅

福惠全書

卷之六

錢穀部

一

野村堅  
昭和十六年九月三日



臚列其要以俟採擇焉

催徵

查實徵

田之所稅為糧人之所供為丁統正賦之名曰地丁然南北繁簡之不同各處款項之不一如直隸山東止一條編總歸地丁江南浙江財賦甲天下銀則有地畝有漕項耗贈有漁蘆等課牙雜等稅銀米則有漕糧有耗贈有白糧白耗南糧南耗等米至于定額之外或又有本年開墾之新增有閏年之加閏有淹荒豁除奉赦奉蠲等銀米則本

兩贈字當共作增字

年徵收之額賦役全書易知由單尤必預為改刊今由單停刊惟全書與司核會計冊東南必不可少州縣實徵里書遵照攢造其攢造之法本縣一年銀米某項某項若干共該若干都圖里甲共若干該銀米若干各里甲花戶銀米若干共該若干要必各甲花戶之銀米與甲總合各甲之銀米與圖總合各圖之銀米與縣總合所謂一縣之總撒相符然後照此冊徵收庶無增多減少之弊

僉糧里總書附

催徵花戶錢糧惟憑里長而里甲之總催又有輪充排年

錢穀部



印書作則

其里排往往地方猾棍熟慣衙門者鑽充或在城之豪蠹  
 包攬非圖侵蝕錢糧卽借端科派花戶故催糧排里必老  
 成殷實小心畏法者方可當之于開報點僉時須驗其人  
 之相貌奸良家道厚薄并令該糧房及里甲等保結方許  
 投遞認狀如日後侵糧擾戶保結均賠同罪至于總書攢  
 造限單及查算每限完欠皆其經手亦須熟諳誠實有身  
 家畏法之人具保投認庶免花戶排里遇限賄買以少開  
 多以欠作完之弊○照里排報驗保結例詳見後戶頭總  
 催

點庫吏倉書

庫吏職司錢糧之出入必身家殷實老成畏法者方克勝  
 任否則侵蝕在所不免是以有司每難其人遂令各圖里  
 開報而其流弊至于賄金買放登報不休四鄉之殷民幾  
 于一網打盡此東南之爲害最酷者也凡遇有更換宜擇  
 各房書吏如前項勝任者充之卽不獲已嚴諭圖里公舉  
 一人當官點驗如果勝任卽令圖里并的當有身家之人  
 具保投認如公報不實日後事犯將保結者究處但點充  
 之後止令司錢糧出納斷不可別有苛求往往本官以庫

福惠全書 錢穀部



吏為可擾每開單責買紬緞器皿等物雖云給價究屬子  
 虛所以鄉民間報如墮沸湯甘心重賄得脫而猶以為幸  
 也說者謂從吏書中四季點充為日不久即作奸不致過  
 深夫吏胥未必多賢更替交代反滋煩擾莫若滿歲方易  
 以專責成之為得耳○各倉收糧例有經收而又必點一  
 人以為倉總所以稽出入而防侵盜也然漕米屯倉不過  
 一季開兌之後諒亦無多惟近來常平捐積每畝勸輸皆  
 屬有司職掌必得殷實老練之人為之經管而有司時加  
 訪察或不致有侵漁短少沍爛蟲蝕之虞矣

遴收役

收役者所謂櫃吏是也計區里之多寡以設櫃每櫃一人  
 掌之宜于各房科擇老成諳練者若干名四季輪充以掣  
 名籤而定人以掣櫃籤而定所守俾皆不能以意得其收  
 銀之法櫃吏每日早堂時昇櫃至收所時刻不得擅離將  
 司頒較準等子公置案上聽納戶不時完納其盛銀封袋  
 用棉紙雙層糊裱製成三寸濶四寸長封袋上刊一定字  
 樣納戶完銀時買此袋持至櫃所自將官等稱準銀數櫃  
 吏止看明銀色紋足或令官銀匠在櫃所估看銀色如拆  
出低潮銀匠賠補但恐借端指勒納

俾當作估

福惠全書

卷之二

錢穀部

三



戶莫若將銀袋令其置賣每袋止價紙張不許執等代稱  
 工價二文此外不許需索似亦情法兩得納戶自封袋口櫃吏于銀袋上填明某圖里某人完納某  
 項某限銀若干某年月日某字第幾號收役某人隨照式  
 登記流水收簿眼同納戶穿連入櫃隨填串票付納戶收  
 執但花戶不得册名封納即現年里長代納亦必寫本戶  
 花名以便臨比查對各戶完欠如銀錢兼收票簿俱登填  
 明白錢須官鑄釐文不許攙收低少另匣收貯折封時並  
 驗如有低小短少櫃吏賠補如此白蠟不得入櫃吏之手  
 所收不過一季又有折封對號流水查擦改稽總撒猾胥

無所施神巧之技矣其櫃每晚昇至川堂或大堂右側櫃  
 吏及宿堂人役看守○按堂庫銀櫃俱關軍餉駐防營官  
 例應每夜撥老成畏法兵丁在堂守護倘有疎虞該營難  
 以推諉即協護更覺放心

櫃式附

櫃形方約徑二尺五寸高稱是用堅厚木爲之鐵包釘牢  
 固中分四格格分四里于近格櫃傍書明某里格深至底  
 底上各釘鉄圈圈縛長線度出格眼櫃蓋之顛顛竅約橫  
 二寸直半倍之內製轉木名曰滾榔半面開縫如口橫安



竅下其度出之線首貫大針及穿銀將納則柳口仰承既  
 納竅中則柳腹上逼入者不能復出矣如別項錢糧量銀  
 多寡或櫃或匣宜另置之其封櫃匣之日本官當堂親驗  
 四圍底蓋俱無損裂及活孔縫痕隨驗明鎖鑰將鎖門硃  
 押並櫃口週圍封固櫃吏領出收銀其櫃鑰封好本官收  
 貯內衙俟折封時稟領

別儒宦

國家賦稅無論紳衿編戶俱宜一體急公輸納何得有儒  
 宦之別然以催徵而論小民排里難登巨室之門紳士追

呼反益窮賾之擾以比較而論倚恃衣冠未便以抗延拘  
 究奸頑逃比猶思以藉託求寬至于不肖子衿包攬他人  
 地土恣蝕官租若夫執法賢侯毀破斯文情面輒騰衆謗  
 于是畫一至當之策另分特設之圖不列之于庶人所以  
 示優直付之于自催似難獨緩然猶逾限不納陰陽門斗  
 送帖代求果其怙勢無完拿追家屬此儒宦之所由別立  
 抑亦變通之一道也

三連串票

串票者納糧花戶執之以為據者也然花戶有執而排里



臨限無憑查截勢必問之流水未免號雜而難稽故截串  
之不可不並設也抑排里有截而在官完納無從稽考勢  
必憑之日報又未免止銀數而少花名故票根之不可不  
俱存也合而用之名曰三連串票其法三式相同而票額  
有納戶執照臨限查截票根存算之名各異執照查截二  
票完糧時櫃吏填付納戶一自執一付排里查截票完數  
票根每晚櫃吏全流水日報繳入內衙以憑存算此三連  
票之所以為至善也宜里各一本里各立一字為號里各  
一本則他里不得混入里各一號則他號不得借充每本

額定百張先填號而後用印每百定須細數既發櫃而即  
領串先填號庶各里之字記分明細數張以重頁之恐防  
夾帶若夫櫃發票前鄉愚無知恐櫃吏以白票私收抑且  
執銀無票致納戶需時守候尤非勤政之體其票用棉連  
紙印刷明白每本前後用棉紙護葉以防擦損裝釘要牢  
固不散護頁用印鈐以防偷折用完票根俱要繳進票式  
詳列于左  
查截如用戶頭催糧應比其查截票即付戶頭臨限  
票根繳進仍照號查明張數恐妨扯落

妨當作有

福惠全書 卷之六 錢穀部



票根

三連上用斜印每票一半

某州為徵收地丁錢糧事今據  
完納  
康熙年分月  
限銀  
已經收明入櫃給  
照合存票根以候查對須至票根者  
康熙年分月  
日收吏  
正堂姓押  
里字號

合同三連串票

納戶執照

某州為徵收地丁錢糧事今據  
完納  
康熙年分月  
限銀  
照數自封眼同入  
櫃合給票照  
康熙年分月  
日櫃吏  
縣押  
里字號

用印全前

合同三連串票

此限查截  
康熙年分月  
限銀  
已經收明合給票查  
截候比須票  
康熙年分月  
日櫃吏  
縣押  
里字號

流水收簿

收簿者各櫃吏收銀之簿也流水者按日挨登如流水之  
盈科漸進也又有各名每櫃收四里每里各置印成行格流  
水一本每收一百號結一銀總如收錢亦照結總每日共

編惠全書

卷之六

錢穀部

七



收若干號于次行註明某月日共收若干號實收銀若干  
 錢若干連前共收銀若干錢若干未折封者方作連前其  
 銀錢總數務與撒數合登記銀錢數目務須筆畫明淨不  
 許潦草磨擦改補違者重責查果有弊重責枷示革役所  
 謂每百號一結每日連前一結易于算收銀總數每日填  
 明號數易于查給過票根每里串各一本折封時易于按  
 號查對格中銀數也

流水日報簿

日報簿與日收簿同時印發櫃吏將每日各櫃收某里銀

錢若干照流水日收彙填某日共收過銀錢若干連前結  
 一總數共若干某里收數後仍開明經收某人總數後開  
 明某月日呈其簿每日是同流水日收與用過票根并未  
 用串票一齊送宅以憑查對次日再發內衙仍置日報底  
 簿照櫃送日報式登記以便與日報不時查對庶櫃吏不  
 敢于報後有更改多少之弊

定催徵法

凡徵錢糧必須各里預造實徵冊使排年里長知一里應  
 徵銀米總數并花戶一歲應完銀米撒數而督催之其冊



之當作此

遵照全書會計田地山蕩人丁科則某都某圖某里田每  
 畝額銀若干米若干地每畝額銀若干米若干山蕩人丁  
 等亦如之共該銀若干米若干如本年奉文某項改折某  
 項加增于各里丁產照則均派即于某里後開列該改折  
 加增銀米若干裁減銀米若干實應徵銀若干米若干其  
 各甲田地山蕩人丁額銀米并加增裁減之數亦照里式  
 開造須各甲之數與里總合各里之數與圖總合各圖之  
 數與縣總合則一年之實徵與為定額而各甲又照式造  
 手摺謂之長單排里執此以考經催之完欠各戶照式造

方票謂之戶單花戶執此以考本身之應納皆瞭若指掌  
 矣然總書攢造實徵大數未有不合縣總者但每以已名  
 銀米及包攬他戶毫厘飛灑升合加攤于鄉愚懦弱之人  
 且錢糧款項繁多增裁不一即有心計者如琴絲難理又  
 烏從而測其奸弊哉惟俟造成實徵冊送宅將上年實徵  
 與本年有無加減之數逐圖查清然後將實徵印發填單  
 俟長單戶單送宅將實徵逐圖里甲對清然後印單給散  
 而飛灑加攤之弊可除矣所有冊式並列于左

實徵冊式

都圖里甲皆可照此式造花戶照式字  
 樣收小每頁可寫八戶今以甲定式



都圖里甲實徵册

田每畝額銀

米

今本甲編田

額銀

米

內某項米

地每畝額銀

米

今本田編地

額銀

山

米

內某項米

田當作甲

蕩

俱照上式寫

實徵册

人丁每丁額銀

米

今本甲編丁

額銀

米

內某項米

文田每畝<sup>奉</sup>某項糧

共<sup>加</sup>減<sup>糧</sup>

地

山  
人丁每丁

文通<sup>本甲奉</sup>米

本甲實徵<sup>米銀</sup>

甦排落甲

十甲輪充值年當差者謂之排年又謂之其一年中之正

錢穀部



賦雜差皆排年是問雖云賦役飛徭原自出之衆戶其如  
 勢豪積蠹頑億窮民任呼不應正賦累其敲朴雜役累其  
 包賠如東南州縣每遇值年則糧胥書總保歇圖差與在  
 城之棍虎若羣蟻聚羶成思蠶食于是多方恐嚇假公保  
 私硃票出於懷中莫知何事料理動云千百刻不可遲非  
 多蠹嚼吞于坊肆即累日困閉于舖倉不大快其所欲不  
 止以故鄉人望城市如地獄見差胥如獍鬼魂飛膽慄而  
 一黨兇神因其畏縮誘以代辦之詞科其不貲之費愚民  
 無奈拚出多金利身安逸孰意飛差外派接踵而來任其

將無作有何止用一索十嗟嗟役未及終而傾家蕩產賣  
 子鬻妻其慘不可勝道矣然此猶止一身一家而言也更  
 有甲分單寒宗支寡弱協力匡助相繼告空所謂括孱肌  
 而餒餓虎牢罷犬以飽貪狼安有不立啖俱盡者哉凡為  
 父母者憫排年之苦必先力除保歇盡革圖差而後侵蝕  
 之害甦憫排年之勞必宜長單落甲公任分催而後奔筆  
 之累釋然此猶為差煩賦重之州縣言之也若乃糧簡地  
 僻竟用各甲經催并排年而去之不尤愈于畏陰而留影  
 乎或問之曰然則差繁賦重之區排年終不可去耶愚曰



州縣大者圖里必多臨比之日公堂環擁諸弊易生當事  
 倦勤深更未罷莫若排年應卯人少而事易辦耳雖然催  
 科有法完納衆而歸農免比按里分期臨限清而廳事無  
 擾又何排年之終不可去乎今姑爲排年釋犇筮之累其  
 落甲分催之不可已也排年既任其勞衆戶獨享其逸此  
 卽敲朴日加彼何關於痛癢而且押差喚卯行杖鋪堂種  
 種多費是以排年之一身而當全里之重困揆之情理殊  
 有未安宜照實徵限簿每甲膽造長单一本分發本甲每  
 甲公輪勤幹有身家一人傳催衆戶名曰經催如經催臥

單不催排年稟差拿究如頑戶任催不納排年逋稟摘拘  
 是則不惟排年免累而各甲亦屬衆擎易舉法寧有善于  
 此者乎

長单式附

落甲經催長单式 一甲一本甲中  
 花戶依式造

甲某縣 爲落甲經催事照得錢糧關係  
 國賦各花戶自應遵限完納但良頑不等擬卽差催誠恐  
 需索滋擾合給单甲長按戶傳催作速遵限完納如有抗  
 違差拏重究甲長停单不催許現年具稟拘責并究不貸  
 右单給某里某甲長某執催  
 本甲通共實徵地丁銀若干 內實搭徵錢若干



一戸

式同限簿

夫條内所謂經催者即本甲之戸首也如革去里排即用  
 戸首以總催一甲之花戸其長单每甲仍照式造以考花  
 戸之完欠惟省却里排之執以考經催完欠耳其单刪去  
 甲長經催字樣改爲戸首總催長单其单内去甲長字樣  
 改爲戸首遵限完納下改如完不合限責比戸首逃限不

親身應比差拿重究花戸抗不聽催具稟拘究不貸

滾单落戸

夫長单落甲者着甲長領单經催本甲花戸所以爲現年  
 分勞勿致獨累也滾单落戸者着本甲花戸单到滾催所  
 以爲甲長分勞期于速完也其法錢糧開徵頭二限聽納  
 至三四限完不如數照此簿甲分每五戸列一单挨填各  
 戸欠數不論銀數多寡分作四限完納五戸中以欠數最  
 多者爲催頭其单甲長領給最多者催頭逢卯執单赴比  
 比後又交與下手欠數多者爲催頭如单到不照限完納



及臥单不赴比者立即差拿罰完欠數其餘戶不照限完  
 催頭稟拿重責亦罰全完方釋如過限再不完枷示仍責  
 全完須要勤查法在必行否則雖滾不遵亦無益也

戶頭總催說

夫催科而用排年者以花戶零星分而無統故各里設排  
 年督催完納及逢限應卯納戶人多未能齊一故花戶完  
 不如數亦責比現年是亦以寡馭衆省繁就簡之道也但  
 排年以一人而催全里之戶以一身而應衆戶之比甚爲  
 苦累于是以每甲之甲長命爲經催以分任排年之勞而

各甲每有頑梗延捱又別設滾单令其逐戶挨催以少節  
 甲長之勞法至善也蓋自排年之設則有保歇圖差總書  
 糧吏議立常規使費之爲累而排年于甲戶亦遂有堯收  
 侵觸雜派濫索之爲累故欲甦排年不得不革保歇圖差  
 欲甦花戶不得不革排年排年革而首事無人其總書糧  
 吏亦無所恣其吞噬是以 聖天子深知排年爲百姓之  
 大害于是亟議革除而催督之任惟專責之各甲之戶頭  
 以其鄉人而催鄉戶彼既無其貪獲人亦鮮所覬覦法又  
 至善也然而戶頭催糧多在鄉曲應比又須至城倘無所



以董押之保無有償催不力與臨卯不到者乎吾恐圖差之未能遽去也圖差未能遽去其常規使費雖不至如疇昔之甚而斷無賠錢自效毫不擾民者也抑戶頭每甲輪流充當一任經承造報倘無所以選舉之保無有賄脫可用與抑認不堪者乎吾恐催科之未能有益也催科未能有益其兜侵派索雖可以杜在昔之奸而斷難按限全完不事追比者也圖差之不去是民害之猶未盡除且恐他弊亦因緣而起催科之無益是考成之莫克早副且恐他奸又更端為用豈可不思良策以守此美意乎愚以為一

甲之錢糧寄之戶頭必就本甲擇年力精壯殷實糧多小心畏法者充之其老穉孤貧庸懦無能者一槩不得混應公舉則責之本甲印官驗果堪充取其糧房總書保狀實保結得某里甲某堪應戶頭總催某年分本甲花戶錢糧如有悞公不法及通同作弊增減比限完欠冊單查出一體甘罪云云然後取該戶頭認狀某里甲某實認應本甲戶頭總催某年分花戶錢糧遵限自封完納如有兜收侵蝕需索違悞臨卯不到僱替應比等弊願甘重究云云又每五甲戶頭五人共具連名互結實互結得某甲某某甲



某認催某年分本甲花戸錢糧如有兜收侵蝕需索作弊  
 隱狗不行舉首及臨卯私逃在此人不行留阻一體甘罪  
 云云將認保互各結粘連成卷用印存案印官于認役之  
 時齊集當堂始申之以誠飭繼加之以獎慰使其知所懼  
 而樂所從彼戸頭既素有身家必不肯代花戸受比而催  
 督之必力花戸亦碍其體面必勉于按限輸將而逋欠之  
 自少及其比限糧胥具有保結自不敢任意以少增多以  
 欠作完朦官取咎至于戸頭逢限同互結有未完應比幾  
 人必俟比完同散如結中有臨卯不到在事不行留阻除

增當作

本身應比外再加量責使彼此共相箝制而不敢私逃其  
 逃卯者視本里逃卯之多寡酌其地方遠近一差可拘數  
 人嚴拿重責仍照限完方釋若戸頭能破限多完或先限  
 全完者花紅鼓樂分別獎賞以鼓勵其餘如此戸頭未有  
 不奉法急公而量差之董押可免矣其為民害者不從此  
 盡除乎再如花戸一年應納之數則有分註之長單戸頭  
 執此平時催償逢限稽查完欠瞭如指掌戸中輸納不前  
 則有分發之滾單令其逐戸挨催連類因之速竣至如頑  
 戸任催不應戸頭具稟拘責押追餘欠無難漸楚如此戸



頭亦不致偏勞重困而甲戶之正供可清矣其為考成者  
不于是克副乎若夫來歲新糧又須別認經催倘舉報未  
得其人不妨間留舊役祇期有濟于催科難狗輪充而悞  
帑至其中或有不肯以熟滑生奸如前此排年諸弊許花  
戶指名首告印官不時訪察重究斥革追贓給主則嚴明  
之下又尚有輕于三尺者乎鴻因前幅具言排里利弊而  
今更用戶頭均係催徵要役似未可懲乎前而忽乎後故  
謹陳一得以備當事采擇焉

革保歇圖差

保歇圖差

錢糧之不完非盡花戶之拖欠其弊由于保歇之兜收侵  
蝕里戶之重累非盡正供之難應其弊由于圖差之橫科  
恣擾保之名恐限年逃卯取在城所住為保以便根拿歇  
之名因現年居鄉必入城覓寓為歇以便應卯乃積年之  
胥蠹遂以其父子兄弟充保歇以其錢糧多所付託可以  
任意侵那積年之市棍又以其父子兄弟充糧胥以其算  
結必由彼手可以改移完欠甚之衙門頭役押卯差人皆  
其親友聲言官府之線索可自我操臨比之勾銷何須爾  
在但以錢糧見付無妨竟自還鄉現年方且倚為叢社恃



爲腹心錢糧誑騙入手任意侵漁及其臨比通同掩飾間  
 或查出摘拿該差糧吏互作延挨躲閃之計到底欠難終  
 掛里戶畏比復受吞聲忍氣之賄至于現年上役取保該  
 房卽出坐催名曰圖差按圖分撥于是皂隸買差有費圖  
 有大小肥瘠買美差有費而糧房因之爲利向內衙傳送  
 差票而轉斗因之爲利查對圖分登差掛號而相公因之  
 爲利至于司印留難不給管總嚇要改差而種種無不因  
 之爲利嗚呼一圖差也非有刑名錢穀之司困庾庫藏之  
 守可侵而竊也乃一旦重費如此而不取之鄉曲之小民

也字當作如  
 此况三字

波當作被

則將何自而取哉于是講歲規有費免押下鄉有費包攬  
 經承幫貼紙張有費包攬上司催提承舍有費臨卯不到  
 代應代比有費而現年因之爲害講節禮送人事打抽豐  
 派飛差使用有費而里甲因之爲害借名催糧下鄉各家  
 款酒飯索車驢或公事經過探望又復留宿寓送贖儀而  
 花戶因之爲害若拘拏欠戶另票遣差乃又串同來役立  
 刻鎖馳倘驚惶避匿則捉辱妻子鄰舍爲之波害雞犬爲  
 之不寧而奸差從中作鬼調停勸解釵裙估值米穀代錢  
 而窮民小舍無不因之爲害是以閭閻有限之脂膏而供



蠹棍無窮之股削究于催科毫無補益正課悉飽私囊其保歇圖差之嚴行痛革又不待再計而決之矣

革官銀匠

官銀匠之設大端有二一為花戶完糧欲其傾銷紋足以杜封納低潮一為起解藩庫欲其傾銷大錠以防駁換責成然而投認討保有費糧房差役有費以及賃房日食硝煤夥計有費求其不侵尅傾銀納戶得乎其一侵尅銀水刻看成色其二侵尅碎銀分文亦必成錠其三侵尅打印雖小錠亦要戳錢其四侵尅火錢每火必須多索其五侵

尅守候鄉人急于封納倍給火錢其六侵尅擁擠窺其鄉愚孤懦故將銀確傾翻急難淘淨反賴他人種種奸弊不一而足及至傾銷起解元寶從無足色即云納戶低潮亦係無知間有何難折出拘償若其勢宦霸衿即低潮自封銀匠安能過問是于公事無補適足有累窮民凡納戶傾銷聽其自便但于封銀袋後註其銀匠姓名若銀係足紋止須本匠看明不必另為用印若紋銀不上二錢不必更傾成錠其于納戶所省既多至于起解元寶袋封有各各匠輪傾亦于公事無悞若不肖吏胥或別有所為以為應



設則非愚所敢聞也。吳下有稱封店最爲民害尤宜禁之

地丁搭錢

地丁錢糧七分徵銀三分搭錢原爲流通國寶起見制錢

十文作紋銀一錢然錢惟存留項下作銀七錢三支給解

款不用故所徵之錢槩作支項算銀發給至于雜項稅課

俱係起解各處大槩徵銀但地丁收錢納戶不便零星搭

配總在限末一二卯完納錢數俱填收銀流水號內以便

稽查其錢用木匣另貯須要官鑄制錢逐文看過不許攙

和私小致難支放如折封摘出該收吏賠補

一錢之錢當  
作分

福惠全書卷之七

比較

比限說

錢糧輸納必有定限完欠比較必有定期限有定而百姓

閒時辦銀逢限上納無顧此失彼之虞期有定而排里閒

日催糧臨期聽比無指李推張之弊故定限不宜太促亦

不宜太緩促則辦銀未就而限期已臨緩則有銀不交而

希挨下限比較不宜太嚴亦不宜太寬嚴則敲朴徒勤而

費錢愈甚寬則負逋益積而奸弊易生然而定限無難比



限為難比限無難清完欠為難清完欠無難而欲清真完  
 真欠之為尤難何以言其然也夫欲定限必先度民力審  
 民時而又無悞于起解存留之考奏方為允當按定例夏  
 稅不逾六月秋糧不逾十月至于開徵早亦必得仲春而  
 四月又值青黃不接此民力甚絀之際也五月正當收麥  
 插秧六月天方炎暑苦于刑撻此又民時之所當念也以  
 定例計之半宜弛徵停比之日若必仰副考成其在分別  
 多寡以并限乎錢糧開徵每月上上下下二限共作一分以十  
 個月計之上下二十限共作十分始于二月終于十月其

間以二月找徵正月二限一分五月止徵上半年全限半  
 分六月止徵下半年一限半分而以五月下半年一限并  
 于七月共徵一分半以六月上半月一限并于八月共徵  
 一分半合之十月十分止作十六限全完其為限既省而  
 于賦額無虧法甚便矣至于比限有期現年相集伺候而  
 本官忽值他務所羈及臨比雜選喧譁而奸里正藉多人  
 厮混或深夜訊責之難清或乘間脫逃而漏卯况燈油紙  
 張代杖買刑之諸費未能盡革乎故曰定限無難比限之  
 為難也雖然比限之混于一堂既倦而不能畢事者由于



一、驟聽比也。今設一查截之法。花戶限完納。即將三連申中查截一票付排里交總書登簿。如排里催足本限之銀總書算清。即給歸農票免比。如是完者。既去聽比寥寥。不惟里役免守候之苦。應卯之費。而本官亦可省賓擾之煩矣。若夫稽查完欠糧房。設有限簿。排里設有實徵限單。孰完孰欠。必限單與限簿查對相符。而查截與歸農票合。一限簿登填明白。送宅而內宅又必逐加磨核。及票根與比簿完數相符。方准作完數。豈可盡委之總書糧房乎。故曰比限無難。清查完欠之為難也。然而清查之妙全在內。

衙勤敏精詳。何為勤敏。一限怠玩。則下限難清。必致完欠混雜。無從磨對。務須逐限完結。欠者摘拿。則里長花戶無所逃其罰矣。何謂精詳。總書糧房受里長花戶之賄買。或通同作弊。以侵欺。于是比冊之上粘揭重頁。庇護全里水貼膏藥。庇護欠多之人。或抽簿逃卯。官府槩難記詰。捏登完數。希圖掩飾。一時若非犀照。明于署中。霜法施于堂上。未有不憶其妖霧矣。故又曰清完欠無難。而清真完真欠之為尤難也。然而均無難也。欲完欠無虛。惟在清弊。欲比限不混。惟在完歸欠比。欲全完無欠。惟在摘頑勒追數者。



具而催科之法無餘事矣

立比簿

該總書將闔縣額徵總數各里照依田地等科則分算實徵銀數與縣總額數相同將實徵銀分作十限每限該完若干已完若干連前共完若干未完若干分註各限之下每限仍將各甲完欠總數并收銀流水查對無差方無舛漏其各甲花戶銀數無論多寡俱派作十分每分若干派作上下兩限照前所定分數算造彙交糧房送宅查對無差然後印發糧房逢限登填完欠送比○按簿單俱照本

處田地科則錢糧款項刊印一定字樣册格臨時填註活數為便

比簿式附

每里一本每本十一張以前一張登寫里總註現年姓名後造本里十限該銀

里經催本年實徵條銀

內搭徵錢糧房經承查算總書

第一限	第二限	第三限	第四限	第五限	第六限	第七限	第八限
該完銀若干	該完銀若干	該完銀若干	該完銀若干	該完銀若干	該完銀若干	該完銀若干	該完銀若干
已完銀若干	未完銀若干	本限完銀若干	連前其完銀若干	未完銀若干			

俱同前式分清寫刊

條銀比簿



其限以初一至十五日為上限，十六日至二十一日為中限，二十二日至二十五日為下限。初一日至初五日查拿，初六日至初十日比責。

九限外有欠粘接白頁送印開比

其限按徵比月分分數均作九限以便逐月與限單查對完欠之數若另分作限恐反參差不能合一有此簿各里完欠一目了然較看限單更省力此係里比簿甲亦可用○如州邑革去里長排年

專用戶頭止照本里比簿式造于本甲比簿之首以便稽查一里之完欠其前排里經管之事與戶頭經管無異可相仿而行

里甲限單式附

某聯鄉 都 甲 共 人 丁

優免

本額共徵本銀若干  
 原額地丁其某等銀若干續加  
 通共實徵銀

銀若干  
 州縣田地科則錢糧款項有無加增俱不同照本處全書照式開造



銀 銀 若干

總頁未開其甲戶頭其人查算總書  
其人糧房經承其人

二月	徵二分	比限
三月	徵一分	比限
四月	徵一分	比限
五月	徵半分	比限
六月	徵半分	比限
七月	徵半分	比限
八月	徵半分	比限
九月	徵一分	比限
十月	徵一分	比限

如九限外有欠釐查各限欠數按頁開比

照分數完者印截票免比四字完不如數者浮僉票  
出欠數即用簿前頁總數查對應比應免一目了然  
按所定每月分數南北天時之涼燠地氣之遲早各  
有不同宜照本處播種閑忙月分定分可耳  
花戶實徵限單式 每里一本首造里總一頁  
各甲造甲總一頁

一戶人丁 該銀  
田若干畝每畝徵銀共該銀 地同  
山同 蕩同  
平米共若干  
除米外原額地丁等銀若干 續加銀羣  
通共實徵銀 內搭錢  
一分徵銀 半分徵銀 分半徵銀 二分徵銀  
一戶式同

二月	二分	該銀	比限	銀若干
三月	一分	該銀	比限	銀若干
四月	一分	該銀	比限	銀若干
五月	半分	該銀	比限	銀若干
六月	半分	該銀	比限	銀若干
七月	半分	該銀	比限	銀若干
八月	半分	該銀	比限	銀若干
九月	一分	該銀	比限	銀若干
十月	一分	該銀	比限	銀若干

同前

完者按限印完將查截  
票粘在本戶欠者不印  
以憑查拿不如數者算  
填浮僉票出



該總書將闔縣額徵總數分算各里撒數照依田地等科  
 則分算各甲花戶銀數無論多寡俱派作十分每分若干  
 派作上下兩限照前所定限分數算造彙交糧房凡遇臨  
 限總書將截票驗明登記完欠以憑送比其排年限單落  
 甲長單俱照此式造給簿單須按本縣田地科則錢糧款  
 項刊印一定字樣冊格填寫活數為便

截票免比

連二免比票一截票存算一歸農免比合縫用印凡排里  
 催足本限糧銀將花戶查截朱串彙交總書照分限算清

即截給歸農免比票一紙竟令歸農不必候比查比之日  
 總書將所存截票存算票根粘入限簿本排應催分限之  
 下交與糧房送查如本排照限已完總書指索不即給歸  
 農者許指名喊稟重究

連二截票式附 如有本限透完下限者每限截給歸

農票一張須作兩限填明截粘下限總內以便稽查  
 不足限數者不准截止于限簿掛浮簽俟下限完數  
 總算每里二十頁以十限上下為率仍裝釘護頁數  
 明張數用印登票號發總書仍取領票領狀



### 截票存算

某州縣 為徵收地丁錢糧事今據 都里排年 催完本限應  
 完分銀 彙持納戶查截票照算明白當給歸農外所  
 有票根粘簿存查須至票者

康熙 年 月

日總書

正堂 押

截票歸農合照

### 歸農免比票

某

為徵收地丁錢糧事今據 都里排年 催完

里排年

催完

本限應完分銀

彙持納戶查截票照算明白合行

給票歸農須票

年 月

日總書

縣押

### 摘拿頑戶

查各里甲花戶納銀之完欠止憑三比單其一里長排年  
 分限比單其二甲長經催分限比單其三各甲花戶分限  
 比單此三單分則以之查比合則以之考數法甚便也如  
 花戶完欠該甲長每限將比單按戶登填如排年經催完  
 欠該總書將比單按里登填送宅查對其排年完欠務要  
 里結里總甲結甲總使開冊便知其里尚欠應比某里已  
 完不必摘比其已完者須將櫃收甲戶總撒磨算相符方  
 可作准若有舛錯即拿總書糧房與排年審究尚欠者將



頑年之頑當  
作排

排年摘出值比倘頑年不稟頑戶內衙必查欠由何甲甲  
 由何戶先將欠戶姓名示出令速完免拘若再限不完出  
 差拘比圖里相近者一票可拘十人所拘頑戶另立差簿  
 照限比差納完銷號頑戶拘到必責使彼知儆而經催亦  
 易為力雖有銀完納准入下限之數如是頑戶不敢拖欠  
 而卯限亦可漸清矣○奸頑里戶有銀不肯先納及至臨  
 比始稱辦有現銀未及入櫃亦必責儆銀准歸入下限斷  
 不可令其堂交其限數已截未便更易且銀不入櫃漏號  
 難清間有當官驗銀出仍不納者止將驗銀若干用浮簽

甲當作里

粘限单硃筆點記下限驗查則不敢隱漏携回○排甲中  
 有糧多一人難催或當官報認或私幫朋充每有臨限延  
 捱希圖避卯者意謂捱過此卯便是下手接比與彼無涉  
 所以非懶愷成玩即包收侵肥惟有各名下分認經催比  
 其完欠則朋充壓卯之弊自絕而彼此亦不致推卸矣○  
 其各戶查截小票粘于限单送查若查與分限相同即以  
 對同小印封之恐其假票避比希圖混過仍行揭去其完  
 納分限戶與甲對甲與里對已印免比則查截票根亦宜  
 封印以便歸總存查恐事忙忽略被奸書朦蔽查拏之日



自寅至酉務必查盡恐今日委積明日愈多愈難清也  
 州邑多有止比經催戶首而不摘拿欠戶在官固屬省事  
 便安然經催為欠戶受比以致揭債代完典鬻賠累其苦  
 將何訴乎吾願為民父母者勿惜已勞摘其欠多者稍為  
 拘責照追則其餘知微而經催亦獲少甦是亦仁政之一  
 耳端

完糧獎勵

凡屬錢糧煩多之地與刁頑成習者未有不積年逋欠雖  
 嚴加刑比彼寧苦其皮肉而立意延挨否則潛逃鄰境即  
 貽累其親屬而置若罔聞豈其不畏法而甘委禍于他人  
 哉蓋以抗延為故智而有司無術以興起其愧耻之心也

于是有拊揚施之而不足禮樂感之而有餘者即此榮辱  
 之所及于以激勸而鼓舞之未有不勃然易念者矣鴻昔  
 待罪郊邑有社曰杏墩朱呂勞溝褚肇等處者積欠十餘  
 年縣官以催科不力相繼罷去及鴻抵任開徵比卯其頑  
 抗自若也郊之民俗競刁詐不知禮讓廉耻久矣且素苦  
 丁差如河工採柳兵馬繹夫運送車驢之類困累不貲民  
 之畏斯役甚于毒蛇猛虎廉得其故乃榜示于署前曰  
 有能急公照限全完者本縣公堂親為遞酒披紅插花鼓  
 樂由中門導出于是照限全完者有三人焉即導送如儀

錢穀部



及再限朱呂等社遂有先完者鴻大加獎嘆曰孰謂爾社不樂輸耶因與披雙紅導出如儀其連玩者受杖跪于甬道傍俟飲酒披紅者出竟乃命起鴻微察諸人其榮辱之念相與感動于中也乃復榜示于署前曰有能急公將本年錢糧完半者本縣給與印票免今年雜差之半全完者今年雜差全免遂命該胥梓蠲免雜差照票以俟于是朱呂等社聞之踴躍爭先不二限而如額全完矣迄今無逋民焉然後知若輩豈真無良哉蓋平日秉彝泊沒甚深惟在上者濬發之迎其機而救正之耳今錢穀煩多之地與

刁頑成習者詎少哉意非有所激勸俾其回心而嚮道雖日勤鞭撻祇足益其逃匿而已故鴻舉其身之已驗者以備採擇焉

雜項并卯

比較者本年地丁之條銀也此外更有帶徵舊欠與漕項贈截匠班顏料等物銀總屬本色亦應照圖里該經承彙成比冊總與條銀一卯比較庶圖里無紛應之擾而官亦省連比之煩至于漕糧贈耗行月等米俱係本色項下印官亦于下倉收糧之日一期比較甚便

贈截當作增耗

贈當作增



徵比餘論

按比限如在二十一日二十日即宜封櫃不准收納以杜  
 奸里猾戶臨限持銀搪比但錢糧煩多既分上下限如前  
 定十六至三十日為下限則二十至二十五日為上限比  
 期若封櫃不納則下限收糧反遲六日惟仍拾櫃收糧但  
 所收者是本限分數不准混入前卯之銀耳如此前卯所  
 欠仍難逃比此限之銀無悞完納庶兩為便也然須于未  
 比十日之前以此令大張告示通行曉諭  
 徵收稽查完欠最重未限然各里完欠之數即各甲完欠

飾花之既當  
作印

之數各甲完欠之數即各戶完欠之數先查一里實徵若  
 干已完若干未完若干次查十甲又次查花戶以花戶之  
 完欠對十甲以十甲之完欠對一里里里如是甲甲如是  
 戶戶如是則完欠之數與縣總實徵相符矣若其戶甲里  
 完欠不對須究總書糧書務令水落石出然花戶之真完  
 欠又須將本里日收號照限查對完糧票根果有未完自  
 應責之花戶如花戶既完則所欠自應責之排里既花戶  
 之欠仍彙各排年各下另勒限催完如花戶抗頑立拿追  
 比全完方釋倘一息緩轉瞬歲寒必致拖沓開春有司恐



奏報愆期必須那解不又增一借孔乎排年不用即在各省甲戶頭名下照欠

拆貯  
拆封

夫當作錢

夫糧每限摘比之後方可拆封臨拆之時務須早堂事畢諸務盡却或川堂或後堂將閑人避開止許一門子遠立伺候庫吏管稱糧書管算先驗各櫃原封鎖門未動然後挨次啓拆唱拆某里即持某里收簿呈案糧書按簿數號高唱若干號即將櫃封就線逐封取起對封簿姓名銀數

無差庫吏放定等陀在星方許放銀在盤輕重可以立見或連稱或抽稱但須逐封對簿號不少方拆開總兌每封帶看銀色置銀筐內如有低潮及短少者將銀封另放開單記明硃筆點過以便拘問庫吏將天平置當案法馬送官驗明先兌天平左右無欹方入法馬盤內兌准一平糧書逐平包封換法馬兌准尾數總點所兌與收簿數合即將收簿呈案于月日下硃判拆訖二字拆完一櫃櫃吏另具一拆單上開某櫃某吏某自某日至某日止經收某里銀若干某里銀若干于某月日拆訖庫吏查前次拆單親



填連前共拆銀若干于後再寫年月印官判日畫押遞粘成卷或付庫或交宅以便存查逐櫃照此拆寫庶無遺錯其低色短少各封殊筆封好仍于收簿本戶名上點記俟拘補後將簿點銷訖銀封仍歸本日所折數內○按各封合總正數若無短少尚有贏餘拆時本官不可分心別用分目別視奸胥但冷眼微窺稍有取隙在拆則手籍封角搓塊擲地在兌則指夾零銀輕丟入袖知合總自有贏餘官于正數之外未便深求也○晚間不可拆封恐本官倦盹且燈下易于作弊若所拆銀封內低少無多免其拘補以示寬大

乃當作即

併簿

收放錢糧乃庫吏端司每日各櫃收銀酉刻攢號時庫書置簿一扇照櫃吏日報登填某日某櫃某里收銀若干某里收銀若干連前共收銀若干後開某月日二簿一樣上貼併銀庫簿循環二號某年月日立如遇拆封于結總後庫吏添寫月日官判日殊標拆訖送衙查對循環發俟拆銀日并發庫續登櫃吏既有日報庫吏又有併銀不惟司收者無所容其侵漁而各里之頑良櫃銀之多寡瞭然可考或有緊項催解按簿即知不必計算于該承也



貯銀

縣堂之所以有庫者原為貯銀地也本應庫吏收掌但近來胥吏非復古之士流保無侵蝕與其既費而追莫若預防為得且堂間吏散人跡寥寥雖有一二更夫不過虛應故事四三營卒尤為叵測可虞計惟明示以公家之帑無如姑效乎良賈之藏于署內擇其嚴密處所封貯俾親信守之非緊項解支不可輕動何也譬之施媻在側好色者寧無動情正恐踰牆之樓終為非禮之玷蹈之則易悔之則難吾願主藏者為坐懷不亂之柳下生可也

解給

起運存留雖有二項大約以起運為急而存留俱係支給尚為可緩然存留中亦有起解之款又為緩中之急起運例解藩司撥充兵餉有按四季解者有奉牌提始解者宜審各處舊例若例係牌提而先行起解固屬急公但忽值牌提而徵比不前猝無以應反為玩悞若例聽陸續起運拆封之後即宜盡數解司以省貯縣干係至于存留內解款或係某衙門關提或例係何時應解俱宜酌量而行其本縣之支銷亦有按季先給者如驛遞之工料按月先給



者如孤貧之口糧、月終支給者、如監倉禁卒、舖司兵之工食、因事支給者、如壇廟之祭祀、賓興之典禮、若夫官俸、須在季終、役食又當歲暮、領足總之錢糧、夏秋二季、未經全完、先儘起解、不可儘支、恐完納愆期、支數已足而掛欠者、則俱解項矣、至于官役之過支、預借斷不可開、倘有他故、皆印官賠補、然而僚屬遇有意外急需、下役亦多家道貧苦、賙急憫貧、仁宰之事、又未可概論也。

立解支庫簿

錢糧支解、每年置一總冊、前一頁先開本年應徵數目、後

寫某某月日拆銀若干、遇有解支、挨順月日開寫、解某衙門某項銀若干、一支某項某等銀若干、以上其解支過銀若干、現貯拆存銀若干、解支一次、扣算開寫一次、拆封一次、連前結總一次、名曰解支庫簿、此猶人家之日用底帳、不可少也。

立解支兩截冊

庫簿雖立、各項解支款目錯雜、而寫但知庫中有無存積、而起運之完欠、支給之盈縮、難以查攷、宜立上下兩截印冊、一本前上、半截先註本年原額應解某處若干、將各解



項挨註完後上半截又先註本年原額應給某項銀若干  
 多留空白若遇解支下半截陸續填註解給月日數目批  
 領已未掣取已未二字宜空俟批已掣填已字批過限未  
 填使下半截已解支之數與上半截應解支之數相符則  
 于批領俱經掣取項下印完訖二字若未解支則朗然白  
 紙一覽易見自無缺解濫給之弊矣冊式附

解支截冊式

一應解

某衙門某項銀若干兩

一解銀若干

前件于某月某日批差官某解赴

前件完者印完訖二字

某衙門交收批廻獲

解支截冊

一應給某項銀若干

一給銀若干

應季給有先列春夏秋冬四季  
 字樣應月給者列十二個月字  
 樣各于前件之下以便按印給訖

前件某于某季某日領訖  
 取領附卷

前件

有當作者



乃當作即

比批簿

批廻實收乃解銀之符驗未會掣獲錢糧終屬空懸必須  
 嚴密比較經解之人掣獲須立一比簿先寫奉某衙門發  
 號批若干張後開某月日填寫某字第幾號批一張起解  
 某項銀若干差役某管解次行開前件二字下多空白以  
 便填寫月日下寫獲字如批收獲到即于獲字上填批已  
 收二字若無已字者限日比較○按批銀既付承解原約  
 路程以定期限若逾限不掣批廻即宜查比毋得稽延以  
 致乾沒然稽遲之故有解出糧庫書分侵者有竟借作生

三當作三

意暫延時日擬利補解者亦有前件侵蝕那此抵彼者若  
 久而不清比急便為逃匿上司催提印官能無賠累奸弊  
 稍有發覺即當將家屬取保本身監追

填解批

批廻例由司發每張俱有字號解銀不拘多寡須挨號填  
 用不得顛倒致被上司查究有等奸胥作弊利將緩項填  
 解希圖那用但既已實填不得曲從起解故凡上司所  
 發號批定須藏之內衙付司錢穀之人收執遇有應解錢  
 糧該房稟請批定解某項若干另案放行然後發批令填

不當作若

錢穀部



自無擅填作奸之事至于填寫解批更宜謹慎先將批對  
 明照過并無破損然後登填一字不許潦草填完又須照  
 看銀數年月俱無模糊洗補然後蓋印若有模糊洗補除  
 究處該吏具文聲說情由原批申送請換若原批有小損  
 亦宜申請換給以杜奸胥借損孔而滋弊竇其陸續解批  
 只照銀大數填寫若結未一批須將本項從前結算但有  
 渺漠俱宜算入否則上房駁查補解又是一番多費矣

驗掣批

批廻有印發後洗補以多改少者實收有領出後洗補以

少改多者批廻改少則解少侵銀掣後仍改原數實收出  
 自司庫必要以少改多恰合改過批數此等弊端神鬼莫  
 測若不逐次照看難免墮彼術中

嚴小批

錢糧非係地下多用本州縣小批如府司雜稅額外撥解  
 等項是也此等批廻最易侵匿蓋非上司頒發無號可稽  
 縣胥往往勾通上司經承屢次催提及其解後解役竟不  
 掣批而上司之催檄亦不至矣印官事煩豈能記憶若非  
 内幕精詳時為簡覈前者既飽奸壑而後來仍復補苴務



須按限嚴查掣批清項乃已

粘批收

批收掣獲既為起解憑據亦陞遷交代張本宜另置一櫥  
嚴為封識不近燈火之地候全欵解完俟序月日夾入實  
收粘連成卷下用騎縫斜印收貯待奏銷後取該房領狀  
開寫領到某年分某項某項批若干張存內粘案若該房  
不堪交付莫若存內尤為穩當其未完欵項不可先粘恐  
上司一時弔查揭開不便若未經銷算亦不宜輕發該房

嚴管解

從來衙役作弊由于官欠精明若官能先事預防使奸無  
所騁則公事未有不辦者矣如起解錢糧分釐皆關國帑  
務須選擇殷實老成胥役僉解取糧庫諸人的保多則移  
營撥兵護送并遣親信守法內丁協解未出門保任有人  
自不敢在家侵隱既就途伴護有人並不能在路吞蝕銀  
有不照數交兌批有不按限掣獲者乎若選差不慎雖有  
內丁協解人屬輕浮此輩善以酒色迷人鮮有不為所動  
彼從中侵扣事露反得以內丁推諉故內丁非歷試無瑕  
志性忠耿之人未易輕委也至于運解遠餉或官或吏尤



當慎選精壯有幹才者以充斯任若米豆等物須墊蓋如法雨濕易爛看驗宜勤夫脚盜法最多更須防範若解餉銀鞞外蒙以生牛皮鐵箍密釘蓋以鞞經風日本瘦縫開滴珠狼籍奸人趁縫敲挖如此包釘則無賠補之患且或有不虞遠難動手也

支放緩急

支放中之急項莫先驛遞有驛官則驛官具印文領狀支給如本縣帶管則管驛兵書馬牌具領支給或每月或按季宜在朔初季首蓋以過差廩給口糧及馬夫工食草料

俱屬不可緩者其次則舖司兵皆係貧民晝夜傳送公文辛苦宜取各舖司領狀按月支給養濟院孤貧口糧亦宜逐名按月先給取花名領狀其布花係禦寒所用宜冬首支給○存留中宜因時支給者文廟丁祭各壇祠春秋祀俱先五日前放以便備牲品取該房舖領狀宜季終支領者官屬俸銀門斗佐貳役食俸銀恐有裁缺降罰事故佐貳役食恐有鹽觔罪贖不可早放因事支給者修理龍亭察院賓興鄉飲等項俱取各該管領狀宜年終支給者生員廩餼年終找給者本衙門工食廩餼時有裁減空缺工



食時有公用抵充。至于監倉禁卒工食。按名逐月支給。因  
 徒口糧。按名先三日一次俵散。不可總放。為胥卒中飽。以  
 上每年照經制放完。將官俸役食各領狀。分別粘卷。用印  
 存案。

福惠全書卷之七終



